

Въ прошломъ Государь во 173 году отпущень я, Богомолецъ твой, отъ Ираклейскаго Митрополита съ Тирскимъ и Сидонскимъ Митрополитомъ Пектаріемъ къ Москвѣ, для ради ученія божественнаго пѣнія къ еродіакону Мелетію; и жилъ я, Богомолецъ твой, здѣсь на Москвѣ, у іеродіакона Мелегія, учился Божественнаго пѣнія. И нынѣ я, Богомолецъ твой, хочу волочись на свое обѣщаніе, къ наставнику своему

Милосердый Государь Царь и Великій Князь Алексѣй Михайловичъ всеа Великія и Малыя и Бѣлыя Россіи Самодержецъ! Пожалуй мя, Богомольца своего, вели Государь меня съ Москвы на мое обѣщаніе отпустить, и дать мнѣ своего Великого Государя жалованья, чѣмъ бы мнѣ въ дорогѣ лошадка купить, ѣдучи прокормитца. Милосердый Царь Государь, смилуйся пожалуй!

*На оборотѣ помѣчено:* „182 году, Сентября въ 13 день, выписать и по указу Великого Государя велѣно ему дать что Великого Государя жалованья въ приказѣ, для ево скудости пару (соболей) въ пять рублевъ“.

*Подлинникъ писанъ скорописью, четкою и довольно красивою, на листѣ.*

Всѣ сіи акты хранятся въ Московскомъ Архивѣ Мин. Иностр. Дѣлъ.

### III.

#### *Предисловіе*

*къ Прологу Соловецкаго монастыря, составленному въ 1678 году, при архимандритѣ Макаріѣ.*

Благодатію Божіею преславному и православному рода Россійскаго священнаго и клирическаго сословія, любви, мира здравія же и спасенія отъ Исуса Христа, Господа и Бога усердно сподобитися привѣтствуетъ, смиренный *Макаріѣ*, святыхъ великія чудотворныхъ лавры Соловецкаго монастыря Архимандритъ.

Понеже убо высочайшіи въ таинственныхъ богословіа проповѣдницы, въ божественномъ Евангеліи о Христѣ Исусѣ Господѣ Божѣ и Спасѣ нашемъ (егда со святыми своими ученики и Апостолы, совершивъ Тайную свою и Божественную Вечерю, во Елеонскую гору изыде) рекоша: и воспѣвше (рече) изыдоша въ гору Елеонскую (Мате. 26; Мар. 14.). И отъ сего Евангельскаго словесе учитъ насъ Божественный Теофилактъ, глаголя сице: Благодарити убо подобаесть и прежде пѣнія, и по пѣтіи, понеже самъ Спаситель нашъ сему насъ научаетъ, яко и намъ достоитъ благодарити и пѣти. Сего ради и блаженный учитель вселенныхъ св. Апостоль Павелъ ко Ефесяномъ пиша, исполнятся духомъ повелѣваетъ глаголя: но исполняйтесь духомъ, глаголюще себѣ во Псалмѣхъ и пѣніихъ и пѣсняхъ духов-

ныхъ, воспѣвающе и поюще въ сердцахъ вашихъ Господеви, (Ефес. 5.) Протолкуя же сіе Апостольское слово Божественный Хризостомъ рече: хочещи ли, глаголетъ веселитися? Хочещи ли день пзну- ряти? Азь тебѣ дамъ пиво духовное. Піяство бо и богопарочитъ гласъ отсѣцаетъ языка нашего немовствовати (на полѣ: немомотати уготовляющее, и очеса и вся просто развращающее. Пavyцай итти и узрши вещи сладость. Помощію бо Духа исполняются Святаго, якоже воспѣвающіи сатанинскія пѣсни, духа нечистаго. Что есть въ сердцахъ вашихъ Господеви? Сирѣчь съ разумомъ внимающе, не вни- мающіи бо, просто поють, глаголы вѣщающе, сердцу скитающуся инуды. Тѣмже съ Псалмопѣвцемъ глаголю: Пойте Богу нашему пойте, пойте Цареви нашему пойте, яко Царь, всея земли Богъ, пойте разумно (Псал. 46.) Сего бо ради и блажить васъ той же святой Царь и Пророкъ Давидъ глаголя: Блаженіи людіе, вѣдущіи восклицовеніе (Псал. 88.) Сіе бо, о свѣтлоторжественніи, Богови и Пресвятой Бо- городицѣ со всѣми Святыми угодно и любезно и святой Православно- Каѳолической Апостольской Церкви Восточной украсительно, яко же о семъ свидѣтельствуеть въ житіи святаго и преподобнаго отца на- шего Іоанна, иже порекло имѣеть Дамаска града, егда той преподоб- ный Іоаннъ въ послушаніи старца своего со смпренномудріетъ запо- вѣдъ его исполняя, проходилаше путь безмолвія, уста своя святая въ молчаніи соблюдая. Не по мнозѣ же (рече списатель) во снѣ является старцу Іоаннову всепѣтая и непорочная Владычица міру и глаголетъ: Вскую источникъ заградилъ еси, сице убо сладостную воду источа- ющъ, сице сладковидну, сице обилну и богатѣйшу, и медоточну воду и покоительнѣйшую душамъ. Воду оная паче вышнюю, иже изъ ка- мене въ пустыни истекшую страннолѣпнѣ. Воду, ея же пити Давидъ възжелѣвъ. Воду, юже Самаряныни Христось обѣща, остави носитися и тещи источнику: потечеть же на мнозѣ и всю пройдетъ и обтечетъ вселенную, якоже вода многая, покрывающая воду ересей, предложитъ же сихъ на чюднѣйшую сладость. Жаждущіи на воду со тцаніемъ да пойдутъ (Исаіа) и елци не имуть сребра житія чиста, да продадутъ пристрастія своя: отъ Іоанна да купльствуютъ всяку, иже въ догма- тѣхъ и дѣлѣхъ свѣтлѣйшую и совершеннѣйшую чистоту. Сей преиметь пророческую гусли и Давидскій онъ Псалтирь, воспоетъ пѣсни но- вы Господеви Богу, превзойдетъ же Моисеову пѣснь, припѣваньи сво- ими, и ликованія Маріаминна, баснена вмѣнятся и нарекутся Орфео- ва неуспѣшная и неполезная пѣсноуѣнія. Духовную бо и небесную воспоетъ пѣснь и Херувимская подражаетъ воспѣванія. Вся церкви дщеря Іерусалимскія, той отроковица тимпанствующая сотворитъ, воспѣвающихъ пѣснь Господеви Богу, умерщвеніе Христово возвѣщи- ющи и воскресеніе. Сей исправитъ вѣры велѣнія, обличитъ всякая ереси развращеніе и скривленіе и сердце его отрыгнетъ слова бла- га, и изречеть дѣла Царева пречюднѣйшая. Паутріе же призываетъ Іоанна таинствовавший неизреченными и глаголетъ: о чадо послуша- нія Христова, отверзи уста своя, яко да привлечеша духъ; паче же еже предпріялъ еси въ сердцахъ твоихъ изрцы усты своими. Уста бо твоя возглаголють премудрость, яко поученіе имѣлъ еси въ

сердцы своемъ разума многолѣтнаго. Отверзи уста своя и не въ по-вѣстѣхъ, но во истиннахъ; не въ гаданіихъ, но въ догматѣхъ. Возглаголи внутрь зрящему Бога Іерусалиму смирителной Церкви, не слова тщая и на воздухъ проливающаяся, но якоже написа Духъ Святый на сердце твоемъ. Вшелъ еси на гору Синайскую видѣній, Божіихъ откровеній, аще и смирилъ еси себе даже до бездны многого смиренія. Шынь же възйди прочее на гору Церковную и проповѣждь благовѣствуя Іерусалиму, въ крѣпости вознеси гласъ: преславна бо глаголана быша о Тебѣ о Богоматере. Отпусти же ми и прости и елико запинаніе тебѣ быхъ, отъ невѣденія моего сіе сотворихъ. Отъ оного же убо дне Іоаннь Божественныхъ пѣсней начало сотворивъ, воспѣвъ медоточная воспѣванія, яже и церковь просвѣтлиша и мѣсто вселенія славы Божія сотвориша, идѣже гласъ чистъ празднующихъ слышится, и въ пѣсняхъ и пѣніихъ благодареніе Богу приносится.

Тѣмже и азъ смиренный Макарій, архимандритъ Соловецкія лавры, по велицей милости преблагаго Бога, великія сея сподоблься благодати, благодарю въ Троицѣ единому Богу, Отцу и Сыну и Пресвятому Духу, и поклоняюся славлю, и прославляю Того святое имя, о всѣхъ и за вся благодѣянія, яже отъ перваго дне, даже и до настоящаго на насъ недостойныхъ показашася, и яже дѣломъ бывшая; а яже словомъ; и яко въ нихъ же (угодно да будетъ Богу) дѣлателя и служителя мене благоволи себѣ сотворити. Отнелѣже бо худость мою сотвори себе раба и сей святой домъ свой Божій, скинію пресвятыя Богородицы присно-Дѣвы Маріи, лавру Соловецкую, жилище святое преподобныхъ и чудотворныхъ отецъ Зосимы и Савватія Соловецкихъ, и соборъ монашествующихъ, аще и паче силы и достоянія моего, вручи блюсти и пасты, — възделѣніемъ възделѣхъ о Господѣ трудолюбнымъ являтися во всѣхъ благихъ, яже отъвнутри духовныхъ, и яже отъвнѣ ключимыхъ исправленіихъ и дѣланіихъ и зданіихъ. Пресладчайшій же Іисусъ Христосъ и Богъ мой, видяй сердца моего расположеніе и въ болшая сотвори мя десна, сирѣчь изволи даровати поученіе уму моему, еже священными книгами исполнити Церкви, въ духовное душамъ вѣрныхъ веселіе и радость, и въ созиданіе ихъ во многія и различныя добродѣтели. И попрежде убо помощію Божіею исполнихъ святую Церковь святыми печатными книгами, понеже въ прешедшемъ по седми тысящахъ во сто седмьдесятъ седмомъ году, мѣсяца Марта въ 7 день, во святѣй сей обители нѣкоторіи отъ чернецъ и козмикъ, мятежетворцы и расколники, отторгшеся послушанія святыя Православно-Соборныя и Апостольскія Церкви, и повиновенія Божественныхъ архіереевъ, и составиша себѣ сонмище сатанино въ непокореніи, и посланнаго къ нимъ пастыря Архимандрита не точию не пріяша, но и съ великимъ безчестіемъ, въ безгодное знымы время, чрезъ море прежде сего отслаша. Таже вознеистовившеся зѣлымъ неистовствомъ, сотвориша мятежь, и собравше множество святыхъ книгъ печатныхъ, святыхъ Евангелій, Апостоловъ, Евангелій толковыхъ, Псалтирей, Часослововъ, Служебниковъ, Требниковъ, Библий и прочихъ Богословскихъ книгъ, къ симъ же Октаевъ, Мѣсячныхъ и Общихъ Мнней, Московскихъ и Ки-

евскихъ печатей; еще же и Греческихъ святыхъ Евангелій, Новаго Завѣта, Апостоловъ, Служебниковъ и прочихъ святыхъ книгъ, — вся растерзапа и въ мори потопиша, инья же и сожгоша, бѣше бо тѣхъ святыхъ книгъ вящше двою сту. Во иныхъ же оставшихъ старописанныхъ и печатныхъ книгахъ, онѣи мятежетворцы, своими злодѣйственными десницами приписываху свои расколы, якоже видѣти есть въ книгѣ *Катихисисъ* и въ книгѣ *Крузь Миротворномъ* и во иныхъ. И тако мало не все въ Божественныхъ книгахъ по своему злему разсужденію растлиша, и мало обрѣтеса оставшихъ святыхъ книгъ идѣ же не бысть приписи онѣхъ мятежетворцовъ, отъ нихже соблюде Господь Богъ молитвами святыхъ чудотворцовъ собранія преподобныхъ трудовъ ихъ, святыхъ книгъ писанныхъ: книга *Материкъ Скитскій*, рекомый *Лавасикъ*, юже читалъ преподобный отецъ нашъ и начальникъ святыхъ Лавры сея Зосима чудотворецъ, и въ той святой книгѣ молитва Іисусова, тако, яко и творити повелѣваегь святая Церковь. Пишетъ же тамо въ словѣ св. Весилія Валикаго, въ преданіи чернеческомъ сице, брата же егда срѣтаеши глаголи молитву: Господи Іисусе Христе Боже нашъ, помилуй насъ, еже (рече) присно глаголеши. И сего убо расколники не дерзнуша растлити, понеже видяху, яко самъ преподобный наставникъ нашъ Зосима чудотворецъ, и сею молитвою молися Господу Богу, аще и они мятежетворцы тое молитвы, яко отъ пламене со Аріаны гоними, не восхотѣша творити. Подобнѣ и въ *Часословъ* иже во святыхъ отца нашего Філиппа митрополита, всея Россіи чудотворца въ полдестъ, писаномъ о пресвятѣй аллилуіи, еже глаголати въ ряду по трижды сице: аллилуія, аллилуія, аллилуія, слава Тебѣ Боже, — невозмогаша же они раскольницы изтребити тѣхъ святыхъ книгъ, аще и сами въ непокорствѣ злоупрямства своего не восхотѣша преданія ихъ содержати, и молитвамъ и славословленію ихъ внимати, и сего ради исчезнуша отъ земли, и погипе память ихъ съ шумомъ. Обличающіи же онѣхъ мятежетворцовъ проклятыхъ, сея же святыхъ обители нѣцьи отъ священномонашествующихъ и монаховъ, многая злоютства во оковѣхъ и темницахъ пострадаша отъ нихъ. Бяху же тѣмъ раскояникомъ тіи страдалцы прежде отцы духовніи и келейныя старцы; но не усомнѣшася отъ обличенія ихъ, но и въ горшее пришедше, помыслиша бо и глаголаша въ лукавствѣ: приидите (рече) потребимъ и кресты вся, имѣющія положенную титлу на себѣ, и еже помыслиша и прельстишася, и злое дѣло исполниша, и множество святыхъ старинныхъ крестовъ съ положенною на нихъ титлою, оный врагъ Божій *Ѳаддейчице Кожевникъ*, со единомысленники своими, обрѣтшася на островѣ Соловецкомъ по сѣче и пожже, но не преуспѣ на горшая, вскорѣ бо его судъ Божій постиже. Послѣдиже безъ покаянія и душу свою крестоборную изверже. Но сія убо. яже содѣяша крестопреступницы и мятежетворцы, чернецъ *Азарій* и чернецъ *Маркелъ*, иже быша въ тыя времена Келари, (Архимандрита бо не бѣ тогда во святѣй обители сей, но своеволствомъ водяхуся) съ ними же и иніи чернцы и началніи злотворцы *Ѳаддейчице Кожевникъ* и *Иванъ Сарафановъ* и прочіи, иже собрашася съ ними космики, воспаташася и поучишася тщетнымъ, отъ

церкве святыхъ и отъ пастырей своихъ отступиша, и благочестивому Государю Царю измѣниша. И како за злодѣйство свое отъ Господа Бога небеснымъ серпомъ прежде, послѣдиже гибелію и чувственною смертію пожати быша преступницы, — и како очистися отъ злодѣйства ихъ святая обитель сія Соловецкая, въ прешедшемъ же по седми тысяцахъ сто осмьдесятъ четвертомъ, іаннуаріа въ 22 день, пространнѣе повѣствуется во иномъ писаніи. Здѣ же вѣдателно есть о святыхъ книгахъ, ихъ же зліи тѣи и проклятїи убійцы растерзаша, и въ морѣ потопиша, иныя же и сожгоша, овья же приписми исказиша. Погубиша же тѣхъ святыхъ книгъ, якоже прежде рѣхъ, вѣще двою сту. Егда же благоволеніемъ Божиимъ, и милостивнымъ призрѣніемъ, и жалованіемъ пресвѣтлаго и благочестивѣйшаго, Ведикаго Государя нашего, Царя и Великаго Князя *Теодора Алексѣевича*, всея Великія и Малыя и Бѣлыя Россіи Самодержца, по благословенію крайнѣйшаго пастыря, великаго господина нашего, Святѣйшаго Курь *Іоакима* патріарха Московскаго и всея Россіи, и преосвященнаго *Корнилія* митрополита Великаго Новаграда и Великихъ Лукъ, во святой чудотворной лаврѣ, въ Соловецкомъ монастырѣ, печатными, соборнѣ свидѣлствованными книгами, святыми Евангеліи, Апостолы, Псалтири, Служебники, Требники и прочими богословскими книгами (вмѣсто отъ расколниковъ погубленныхъ книгъ) бысть исполненіе, тогда повелѣхъ паствы моея сыновомъ (на полѣ: *Іеромонаху Игнатію Карсакову*) и братіямъ моимъ, написати со свидѣлствованныхъ переводовъ царствующаго града Москвы, Соборныя Апостольскія церкви книгу пѣвчюю, глаголемую *Ірмологій* знаменной, яже имать въ себѣ вся ірмосы — къ симъ же и изъ Октоиха воскресныхъ служебъ стихиры и догматики, степенны же и блаженны и повседневныя богородичны, еще же и церковный обиходъ, и дванадцятныя службы Господьскихъ великихъ праздниковъ и прочая, яко да будетъ во святѣй церкви въ лицѣхъ поющихъ согласное пѣснопѣніе. И се убо Божіею помощію и молитвами пресвятыя Богородицы и преподобныхъ отецъ нашихъ Зосимы и Савватіа чудотворцовъ поспѣшествомъ, сія святая книга *Ірмологій*, каллиграфовожденіемъ, труды же и тцаніемъ сыновъ и братій моихъ (на полѣ: *Іеромонаха Игнатія Карсакова*) начаса и въ совершеніе прииде. Примиите убо сію о любопразднственнїи, разверстыма рукама и сердцы, купно бо съ нею и преподобнаго Іоанна Дамаскина, съ нимъ же и Хрїста, его же онъ воспѣваетъ, пѣти же и васъ научаетъ. Таже молящися Богу, и пѣніемъ хвалу Ему приносяще, въ любви и мирѣ и чистомъ жительствѣ намъ правовѣрнымъ пребывати, и въ добродѣтеляхъ монашества своего преуспѣвати, о немъ же и подвизающеса со Апостоломъ глаголю: бодрствуйте, стойте въ вѣрѣ, мужайтеса и утверждайтеса тверди бывайте и непоступни, избыточествующе въ дѣлѣ Господни всегда, (Коринф. 16, 15) покровомъ и заступленіемъ Пресвятыя Богородицы Дѣвы Марїи Одигитріи и преподобныхъ и богоносныхъ отецъ нашихъ Зосимы и Савватіа Соловецкихъ чудотворцовъ, и прочихъ святыхъ молитвами. Прочее въ пѣнїихъ благодарни бывайте, здравствуйте же о Господѣ и радуйтеса, взирающе всегда къ ликомъ цѣвцевъ горняго святаго Іерусалима (Апокал. 21.).

Во святой чудотворной общежителной Соловецкой лаврѣ  
Ставропигіону преосвященнаго митрополита Бел.

Вел. Лукъ и всего Поморіа. Мѣсяца Февруаріа, в  
а по плоти Рождества Хрістова 1678, индикта 1.

*Изъ рукописной Грамматики Крюковыхъ нотъ (XV  
л. 22—27), хранящейся въ библіотекѣ Московскаго Гла  
Министерства Иностранныхъ Дѣлъ, подъ NO 454.*

## IV.

### А л ф а в и т ъ

*старинныхъ нотныхъ терминовъ.*

- |                                 |                                  |
|---------------------------------|----------------------------------|
| Азовка Оита.                    | Выплавка, — заметная.            |
| Аказо.                          | Высокая: Поворотка, — Оита.      |
| Анинъ плачь Оита.               | Высокогласная Оита.              |
| Апострофъ.                      | Вънецъ Оита.                     |
| Багрянка.                       | Вязовка Оита.                    |
| Баранъ Оита.                    | Вятитикъ.                        |
| Бирюза.                         | Главизна,                        |
| Бисеръ.                         | Голубчикъ, — борзый,             |
| Болонокъ.                       | свѣтлый, — тресвѣтлы             |
| Большая: Дербица, — Кавычка, —  | ный, — ометный,                  |
| Перевертка, — Оита.             | метный.                          |
| Большій: Недоскокъ, — Скочекъ.  | Гора.                            |
| Вахиря.                         | Горка.                           |
| Великая Дербица.                | Грановитка Оита.                 |
| Великій Путикъ.                 | Грековъ ключъ Оита.              |
| Взметъ.                         | Гроза.                           |
| Вилка.                          | Громада Оита.                    |
| Вироза.                         | Громная Оита.                    |
| Водополка.                      | Громогласная Оита.               |
| Возводець.                      | Громозѣльная Оита.               |
| Возгласка.                      | Громосвѣтлая Оита.               |
| Воздержка.                      | Грунка, — великая, — полная, —   |
| Воздернутая.                    | свѣтлая, — съ разносомъ.         |
| Вознось, — конечный, — послѣд-  | Два въ челну.                    |
| ній.                            | Двоестрѣльная Оита.              |
| Возносець.                      | Двоечелная дербица, — Кавычка, — |
| Возразъ подъемной.              | Перевертка, — Оита.              |
| Возстuppeць.                    | Дербица, — великая, — вспят-     |
| Восклиціе.                      | ная, — двоечелная, — свѣт-       |
| Врахія, — мрачная, — свѣтлая, — | лая, — средняя.                  |
| тресвѣтлая, — свѣтлоключная, —  | Дертица.                         |
| опашная, — съ крыжемъ.          | Дикопловъ Оита.                  |
| Вспятная Дербица.               | Долинка, — меньшая, — полная, —  |
| Вывертка сугубая.               | средняя.                         |
| Выводъ.                         | Дробли.                          |